

CONVENIO DE COLABORACIÓN ENTRE O CONCELLO DE SANTIAGO DE COMPOSTELA E A FEDERACIÓN GALEGA DE ATLETISMO PARA O DESENVOLVEMENTO DO I CAMPIONATO DE GALICIA DE MILLA E DE 1 KM EN RUTA 2018 DENOMINADO I MILLA URBANA "PORTAS DE COMPOSTELA"

Dunha parte, D. Martiño Noriega Sánchez, Alcalde-Presidente do Excmo. Concello de Santiago de Compostela, en virtude da competencia que lle outorga o artigo 124.4.a da Lei 7/1985, do 02 de abril, Reguladora das Bases de Réxime Local.

Doutra parte, D. Isidoro Hornillos Baz, con documento nacional de identidade número 32 426 699B, Presidente da FEDERACIÓN GALEGA DE ATLETISMO, con domicilio en A Coruña, Avda. de Glasgow, 13. Complexo Deportivo Elviña, con CIF G15103500, co número de Rexistro na Secretaría Xeral para o Deporte F-0324.

Interven en as dúas partes coas facultades que os seus respectivos cargos lles confiren, acordando

EXPOÑER

- I. Que o presente convenio regularase polo disposto na Lei 40/2015, de 01 de outubro, de Réxime Xurídico do Sector Público, na Lei 38/2003, de 17 de novembro, Xeral de Subvencións e RD 887/2006 de 21 de xullo, polo que se aproba o seu regulamento, e polo definido na Lei 9/2007, do 13 de xuño, de Subvencións de Galicia.
- II. Que o Concello de Santiago de Compostela é competente en materia de promoción deportiva ao abeiro do disposto no artigo 25.2.I da Lei 7/1985, de 02 de abril, Reguladora das Bases de Réxime Local, e no artigo 8 da Lei 3/2012, de 02 de abril, de deporte de Galicia.
- III. Que son os convenios o instrumento habitual para canalizar as subvencións previstas nominativamente, segundo se establece especificamente nos artigos 47.2.c e 48.7 da Lei 40/2015 de Réxime Xurídico do Sector Público, no artigo 28 da Lei 38/2003 Xeral de subvencións e no artigo 26 da Lei 9/2007 de subvencións de Galicia, así como, de forma específica no artigo 31.10 das Bases de execución do orzamento municipal.
- IV. Que o Concello de Santiago para levar a cabo coa colaboración da FEDERACIÓN GALEGA DE ATLETISMO o obxecto deste convenio, estará ao previsto nas Bases de execución do orzamento do Concello de Santiago de Compostela para o ano 2018, que de acordo co seu artigo 33 achegará a cantidade de **dez mil euros (10.000,00.-€)** con cargo á aplicación orzamentaria 090 34100 48900.

E, polo que as partes



Departamento Municipal de Deportes de Santiago



CONCELLO DE SANTIAGO



FEDERACIÓN GALEGA DE ATLETISMO

CIF G-15103500

FEDERACIÓN GALEGA DE ATLETISMO

Avda. Glasgow, 13 Complejo Deportivo Elvina
15008 A Coruña Tel. 931 231 083
www.atletismogalego.org
www.caneiragalegas.com

CONVENIEN

1º.- Que é obxecto deste convenio a colaboración entre as partes para a promoción do deporte na cidade e, en particular, da práctica e difusión do atletismo a través da realización dun campionato de atletismo de milla en ruta na que participaron atletas federados e non federados, nas diferentes categorías, denominada Campionato de Galicia de Milla e de 1km en ruta 2018 denominada "I Milla Urbana Portas de Compostela", polo que a FEDERACIÓN GALEGA DE ATLETISMO organizou e desenvolveu esta actividade deportiva, o pasado 8 de abril de 2018.

2º.- A FEDERACIÓN GALEGA DE ATLETISMO como organizador do evento, fíxose cargo dos medios materiais e humanos precisos para o bo funcionamento da actividade co fin de garantir un correcto desenvolvemento da mesma, ademais de definir e aplicar unha normativa xeral de competición ou regulamento particular que preservou a igualdade entre os participantes e estableceu as condicións da competición.

A FEDERACIÓN GALEGA DE ATLETISMO adoptou todas as medidas necesarias que posibilitaron a boa orde e seguridade dos participantes, cumprimento de horarios, disciplina e espírito deportivo da competición, así como, acadou os permisos que foron necesarios ante as autoridades e organismos que corresponderon, e aplicou aquelas normas e regulamentos que foron de obrigado cumprimento para este tipo de propostas.

3º.- O Campionato de Galicia de Milla e de 1km en ruta 2018. "I Milla Urbana Portas de Compostela", desenvolveuse por diferentes rúas da cidade, en concreto pola Rúa da Senra, Praza de Galicia, e rúa Fonte de Santo Antonio, sendo responsabilidade da FEDERACIÓN GALEGA DE ATLETISMO a adopción de todas as medidas de seguridade, control de aforo, evacuación, sanitarias e demais requisitos que determinen as normativas existentes e os propios plans de evacuación/autoprotección dos recintos.

A maiores, a entidade dispuxo dun seguro de responsabilidade civil en contía suficiente para dar cobertura ás posibles incidencias que puideron derivarse da organización desta competición, que deu cumprimento ao establecido na lexislación vixente de espectáculos e actividades recreativas de Galicia. Ao mesmo tempo, a entidade tiña contratado un seguro de accidentes para cubrir a asistencia sanitaria de todos os participantes, en caso de accidente deportivo.

En consecuencia, a súa organización supuxo asumir unha serie de gastos necesarios para o desenvolvemento da proba que garantiron cando menos, o citado nos parágrafos anteriores.

4º.- En todo tipo de publicidade e información fixo constar a colaboración municipal para o desenvolvemento desta actividade mediante a inclusión, cando menos, do anagrama do Concello de Santiago en anuncios, material publicitario e carteleira en xeral, así como, en zonas preferentes e visibles nos espazos de saída e meta da proba que ao efecto seleccionou previamente o Concello.



Departamento Municipal de Deportes de Santiago



CONCELLO DE
SANTIAGO



FEDERACIÓN GALEGA
DE ATLETISMO

CIF G-15103200

Avda. Glasgow, 13 Complejo Deportivo Pazo
15008 A Coruña Tel. 981 201 021
www.atletismogalego.gal
www.carreirasgalegas.com

5º.- A FEDERACIÓN GALEGA DE ATLETISMO comprometeuse a presentar, antes da sinatura do presente convenio para que forme parte do mesmo, a seguinte documentación:

5.1.- Copia da escritura de constitución da entidade e do poder de representación da mesma.

5.2.- Certificación oficial da FEDERACIÓN GALEGA DE ATLETISMO conforme organizou a actividade Campionato de Galicia de Milla e de 1km en ruta 2018 denominado "I Milla Urbana Portas de Compostela" así como, as datas de celebración da mesma (8 de abril de 2018).

5.3.- Certificación da entidade, asinada polo Secretario co visto e prace do Presidente, do orzamento detallado de ingresos e gastos previstos para a realización deste evento.

5.4.- Certificacións oficiais de estar ao corrente nos pagos coa Seguridade Social, coa Axencia Estatal da Administración Tributaria, coa facenda da Comunidade Autónoma e co Concello de Santiago. Non obstante, se o considera oportuno poderá dar autorización escrita para que o Concello poida directamente realizar as consultas pertinentes para estes supostos en calquera fase do procedemento.

5.5.- Declaración xurada do Presidente de non estar incurso, a entidade que representa, nas prohibicións para obter a condición de beneficiaria da subvención establecidas no artigo 13 da Lei 38/2003, de 17 de novembro, Xeral de Subvencións.

5.6.- Copia do CIF da Entidade

5.7.- Impreso selado pola entidade bancaria que corresponda, no que figure a entidade como titular e o seu número de conta no que se faga consta o BIC e o IBAN.

6º.- Ademais do anterior, en cumprimento do disposto no artigo 13.5 da Lei Orgánica 1/1996, do 15 de xaneiro, de Protección Xurídica do Menor, o persoal, colaboradores ou voluntarios da entidade beneficiaria que estean en contacto habitual con menores, non poderán ter sido condenados por sentenza firme por delito algún contra a liberdade e indemnidade sexual, ou a trata de seres humanos. Para tal efecto, estas persoas deberán acreditar ante a entidade beneficiaria, que achegará declaración xurada nese senso, dita circunstancia mediante a presentación de certificación negativa do Rexistro Central de delincuentes sexuais.

7º.- Pola súa parte, o Concello de Santiago comprométese a subvencionar á FEDERACIÓN GALEGA DE ATLETISMO coa cantidade de **10.000,00.-€** con cargo á aplicación orzamentaria 090 34100 48900, destinados á axuda do financiamento dos conceptos de gasto e contías que a continuación se detallan e que figuran expresamente no orzamento xeral da actividade:



Departamento Municipal de Deportes de Santiago



CONCELLO DE SANTIAGO



FEDERACIÓN GALEGA DE ATLETISMO

FEDERACIÓN GALEGA DE ATLETISMO

CIF G-15103500

Avda. Glasgow, 13 Complejo Deportivo Eiviña
15008 A Coruña Tel. 981 291 683
www.atletismogalego.org
www.carreirasgalegas.com

Servicios médicos. Ambulancias e persoal sanitario	530,00.-€
Trofeos e medallas campionato de Galicia	671,55.-€
Homologación circuíto	740,50.-€
Aluguer de medios, truss de meta, vinilos, tarima, conos, cadeiras, persoal de montaxe, xerador, carteleria	2.300,45.-€
Tráiler, podio, vallas, cono, staff	2.878,59.-€
Material cronometraxe e competición	3.049,20.-€
Aluguer de furgoneta desprazamento equipo chips	60,00.-€
Locución e protocolo do evento	200,00.-€
Auxiliares	800,00.-€
Comité galego de xuíces	532,55.-€
Persoal de campo	837,00.-€
Total do orzamento por estes conceptos:	12.599,84.-€

A contribución municipal manterase sempre e cando, en concorrencia con outras axudas, subvencións, ingresos ou recursos públicos ou privados, non se supere o orzamento total de gastos presentado pola FEDERACIÓN GALEGA DE ATLETISMO para a actividade obxecto de subvención.

8º.- Para facer efectivo o pago é condición necesaria que a FEDERACIÓN GALEGA DE ATLETISMO presente no Rexistro Xeral do Concello de Santiago, **sempre antes do 30 de novembro de 2018**, a seguinte documentación para a xustificación do convenio:

8.1.- Declaración asinada polo presidente da Entidade na que se indique, baixo a súa responsabilidade, ter cumprido o obxecto deste convenio.

Presentaranse unha breve memoria na que se inclúan recortes de prensa, fotografías, ..., nos que se observe con claridade o cumprimento da parte que lles corresponde do establecido no punto 4 do mesmo.

8.2.- Facturas oficiais ou fotocopias compulsadas que se correspondan cos conceptos de gasto e contías que figuran no apartado 7º do presente convenio, todas elas referidas ao ano 2018, debendo acreditarse o seu pagamento mediante transferencia bancaria con anterioridade á data límite de xustificación.

A contía a xustificar será polo importe total dos gastos realizados á data de presentación da xustificación do convenio e polos conceptos sinalados na cláusula 7ª. Tendo en conta que os gastos obxecto de subvención considéranse en base aos orzamentos previstos pola entidade para a organización deste evento, poderanse admitir desviacións ou alteracións na



Departamento Municipal de Deportes de Santiago



FEDERACIÓN GALEGA
DE ATLETISMO

CIF G-16101000

Avda. Glasgow, 13 Complejo Deportivo OZA
15008 A Coruña Tlf. 981 711 033
www.atletismogalga.com
www.carrelasgala.com

súa xustificación, sempre e cando, se manteña a finalidade do convenio e o xustificado supere o importe da subvención recollida no mesmo.

Excepcionalmente, só se admitirá o pago en metálico para aqueles gastos que pola súa natureza non poidan ser pagados baixo outra modalidade (por exemplo, subministros adquiridos en establecementos públicos, como restaurantes, gasolineras, supermercados, etc.), non podendo superar en ningún caso a contía de 600 euros. Xustificarase mediante factura ou recibo asinado polo acredor indicando a data de abono, debendo figurar a expresión recibín ou outra análoga.

8.3.- Declaración asinada polo presidente da Entidade na que se expresen, tamén baixo a súa responsabilidade, as axudas, subvencións, recursos e ingresos públicos e/ou privados, solicitados e/ou concedidos para o mesmo fin. Esta declaración deberá vir acompañada dunha liquidación do orzamento de gastos e ingresos da actividade.

8.4.- No momento da xustificación deberase acreditar que a entidade está ao corrente nos pagos coa Seguridade Social, Axencia Estatal da Administración Tributaria, facenda da Comunidade Autónoma e o propio Concello de Santiago mediante certificacións das administracións correspondentes.

9º.- O prazo de vixencia deste convenio remata o 31 de decembro de 2018.

10º.- O incumprimento das obrigas que se impoñen ao interesado levará consigo a revogación da subvención prevista no presente convenio.

11.- A contratación con terceiros para a execución dos servizos, asistenciais ou subministros necesarios por valores superiores a 15.000 € recollidos como gasto obxecto de subvención no punto sétimo deste convenio, realizaranse de acordo co disposto nas normas de contratación do sector público garantindo, en todo caso, os principios de publicidade, concorrencia, igualdade e non discriminación.

12º.- De conformidade ao disposto no artigo 70.3 do regulamento da Lei de Subvencións (RD 887/2006, do 21 de xullo), transcorrido o prazo de xustificación sen que se teña recibido xustificación ningunha, remitirase un requirimento a entidade beneficiaria para que a presente no prazo improrrogable de quince días. A falta de xustificación da subvención neste prazo adicional dará lugar á perda da subvención e demais responsabilidades previstas na lexislación aplicable ao respecto.

13º.- Polo Concello poderá esixirse, a maiores das condicións establecidas anteriormente, as fórmulas de xustificación de cumprimento de obrigacións que se estimen convenientes.

14º.- Con respecto aos libros e rexistros contables que deba levar a Entidade, así como para reintegro de fondos, en caso de incumprimento e demais medidas de control e inspección, estarase ao disposto na Lei 38/2003 Xeral de subvencións e demais lexislación que no seu caso sexa de aplicación.



Departamento Municipal de Deportes de Santiago



15º.- O importe da subvención especificada neste convenio, cando proceda o pago do mesmo, deberá ser ingresado no número de conta **ES82 2080 0068 7830 4001 9194** (BIC CAGLESMMXXX)).

16º.- As actuacións en materia de protección de datos de carácter persoal axustaranse ao disposto na Lei Orgánica 15/1999, do 13 de decembro, de Protección de Datos de Carácter Persoal, no Real Decreto 1720/2007, de 21 de decembro, polo que se aproba o seu regulamento; e no Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos.

17º.- Son causas de resolución deste convenio, de acordo coa lexislación vixente, o incumprimento de calquera cláusula establecida no mesmo, e concretamente:

- a) Forza maior que imposibilite o desenvolvemento das actividades programadas.
- b) Incumprimento das cláusulas establecidas no convenio específico de colaboración.
- c) Mutuo acordo entre as partes.
- d) O vencemento do seu prazo.
- e) A declaración xudicial de nulidade do convenio.

18º.- O presente convenio de colaboración ten natureza administrativa e está expresamente excluído do ámbito de aplicación da Lei 9/2017, do 08 de novembro, de Contratos do Sector Público segundo o sinalado no seu art. 6.2), sen prexuízo da súa posible aplicación con carácter supletorio.

Non obstante o anterior, as cuestións litixiosas que poidan xurdir sobre este convenio, respecto da vixilancia e control, interpretación, resolución e efectos do mesmo, serán resoltas en última instancia administrativa pola Xunta de Goberno da Cidade de Santiago de Compostela, poñendo os seus acordos fin á vía administrativa, e contra eles poderá interpoñerse recurso contencioso-administrativo, segundo establece o artigo 46.4 da Lei 29/1998, reguladora desta xurisdición. Para este efecto, será competente o Xulgado do Contencioso Administrativo de Santiago de Compostela.

Santiago de Compostela, 16 de novembro de 2018.

Polo CONCELLO DE SANTIAGO



Asdo.: Martiño Noriega Sánchez
ALCALDE

Pola FEDERACIÓN GALEGA DE ATLETISMO



Asdo.: Isidoro Hornillos Baz
PRESIDENTE